



明試  
歸卷  
112  
22



重訂唐王燾先生外臺秘要方第二十二卷目錄

耳聾牙齦唇口舌  
喉咽病五十六門

耳聾方二十二首

風聾方三首

耳聾有膿方三首

久聾方五首

耳鳴方六首

聾耳方一十首

耳卒疼痛方三首

耳卒腫方二首

通耳中膿方二首

小意必

二十二卷目錄

聖余居



蟲入耳方九首

蜈蚣入耳方三首

蚰蜒入耳方三首

飛蛾入耳方二首

蟻入耳方二首

耳雜癢方八首

鼻中息肉方一十一首

鼻聽方五首

肺寒鼻聽方二首

鼻塞不通利方七首

鼻塞常清涕方二首

鼻生瘡及疳蟲食方九首

牙疼方八首

齒痛方一十一首

齒疼方六首

牙齒疼痛方八首

牙齦方五首

齒風痛疼方三首

齶齒方七首

齒蟲方五首

風齒方四首

風齒根出方二首

風齒口臭方二首

牙齒風齩方三首

牙齒疼風蟲俱療方五首

風衝牙齒搖動方二首

疳蟲食齒方一十首

齒痛有孔方四首

齒挺出及脫落方五首

齒間血出方三首

齒血不止方四首

齒腫方二首

牙疼痛及蟲方三首

牙齒雜療方七首

緊唇方一十三首

瀋唇瘡爛方五首

唇瘡方三首

口瘡方一十一首

口瘡久不差方二首

口吻瘡方四首

口乾燥方五首

口臭方九首

舌論一首

舌本縮口噤方二首

舌上瘡方二首

咽喉舌諸疾方七首

今附方七首

口唇舌鼻雜療方一十四首

今附方六首

唐王燾先生外臺秘要方第二十二卷

宋朝散大夫守光祿卿直秘閣判登聞鼓院上護軍臣林億等

上進

新安後學程衍道敬通父訂梓

耳聾方二十二首

病源腎為足少陰之經而藏精氣通於耳耳宗脉之所聚也若精氣調和則腎氣強盛耳聞五音若勞傷血氣兼受風邪損於腎藏而精脫精脫者則耳聾然五藏六腑十二經脉有絡於耳者其陰陽經氣有相并時并則有藏氣逆名之為厥厥氣相搏入於耳之脉則令聾其腎病精脫耳

通按  
法身何  
未詳

聾者其候頰頰色黑手少陽之脉動而氣厥逆而耳聾者其候耳內輝輝焯焯也手太陽厥而耳聾者其候聾而耳內氣滿養生方云勿塞故井及水瀆令人耳聾目盲其湯熨針石別有正方補養宣導今附於後

養生方導引法云坐地交叉兩脚以兩手從曲脚中入低頭又項上治久寒不自温耳不聞聲又云脚著項上不息十二通必愈大寒不覺暖熱久頑冷患耳聾目眩久行即成法法身五六不能變出第二十九卷中

廣濟療耳聾方

生地黄長一吋半 杏仁七枚去皮 巴豆七枚去皮

印成鹽二顆

髮灰半錢

以物掩入

右五味搗碎研堪丸如藜核人大用髮薄裹內耳中以物掩入一易耳內當痛有水出即去當直以髮塞耳耳內黃水出痛甚定不得更著若未差還依前著藥取差千金翼同

又療耳聾不聞人語聲方

松脂四分 巴豆二分去皮心熬 麻子二分 臘二分  
薰陸香二分 石鹽二分

右六味搗如膏丸棗核大內耳中三日一易取差

集驗療耳聾方

杏人去皮 茯苓各等 鹽末分

又方 右三味搗研以少許豬脂和合煎以綿裹塞耳

附子炮

瓜子

杏仁仁去皮熬各等分

右三味搗以綿裹塞耳中

千金療耳聾方

淳醋微火煎附子五六宿削令可入耳以綿裹塞耳中取差

又方

巴豆十四枚去皮心熬

鍊成松脂一分

右二味合搗丸如黍米簪頭著耳中以差為度

又方

以竹筒盛鯉魚腦蒸之令烱以灌耳中

又方

雄黃硫黃各等分綿裹塞耳中數月聞

又方

取鐵燒令赤投酒中飲之仍以磁石塞耳中差

又方

草麻子一百粒去皮

大棗十五枚去皮核

右二味搗丸如杏人內於耳中二十日差

又方

芥子搗碎以男乳和綿裹塞耳取差

又方

作泥餅子厚薄如餅通按覆耳上四邊勿令洩氣當耳孔上以刺泥餅穿作一小孔於上以艾灸之百壯候耳中痛不可忍則止頃側耳瀉却黃水出盡即差灸時泥乾即數易之

又方

截箭竿竹二寸內耳中以麩擁四畔勿令洩氣灸箭上七壯取差竝出第六卷中

崔氏療耳聾方

鄭少卿云頻用

波律膏

一蠅殼無以大麻脂合小器中煎取一蠅殼替之

楓木脂

半兩無以薰陸香替以乳頭香更佳

松脂

半兩

巴豆

三七枚去皮熬研

蠟

如彈丸大疑即胡桐淚

右五味先搗松脂巴豆一千杵次下大麻油令熟丸如棗核大一頭尖通中作孔以綿裹塞耳數日一易更互塞之取差不得併塞出第四卷中

備急療耳聾菖蒲根丸方

菖蒲

一寸

巴豆

一枚去皮心

右二味合搗可丸分作七丸以綿裹塞耳中口別一丸取差肘後同



又菖蒲散方

菖蒲 二兩

附子 二兩

右二味搗篩以苦酒和丸如棗核許綿裹臥即塞耳中  
夜一易之十日有黃水出便差肘後千金崔氏同

又方

磁石

菖蒲

通草

薰陸香

杏仁

去皮

草麻子

去皮

松脂

等分

右七味搗篩以蠟臘及鷲脂和丸稍長作以釵脚子穿中  
心為孔先去耳中垢然後內藥日再初著痒及作聲月  
餘即差殿中候監云非常良驗肘後同

救急療耳聾方

真崑崙青木香一兩碎以苦酒浸一宿胡麻油一合  
微火上緩煎之三上三下以綿濾去滓以點耳孔中  
以差為度

必効療耳聾方

以好神明膏如棗核許內耳中日一度頻著以差三  
五日以篋子挑耳中塞或痒取差亦治蟲入耳中

又方

取杏仁七枚去皮搥碎為三分以綿裹各於中著一裹鹽如  
小豆許以器承於飯餽中蒸之候飯熟出一裹令患

耳者側臥和綿捻以油汁入耳中又又以一裹進前  
捻之差為度

又方

雞矢白

大升淨擇碎  
黃色

烏豆

大升熬令  
爆聲絕

右二味先取無灰酒二升及熱以沃之良久濾去滓分  
溫服厚取汗其耳如鼓鞞勿訝

又療耳聾神驗方

取純烏羊新濕糞和杏子脂石鹽末

右三味研滿耳孔中塞勿令風入乾即易之乃至七日  
二七日耳內有聲漸大即以筆筒長二十寸內耳孔裏四

畔以麩塞勿令氣出以麩餅子裹筒頭以艾灸上從  
第一度灸三壯為始耳內即有烏塞乾膿出未間內裹  
滿疼痛即出之即差但有塞即須挑却還依前法乃至  
一日兩日差即停以後常用前法塞之甚驗

風聾方三首

病源足少陰之經宗脉之所聚其氣通於耳其經脉虛風  
邪乘之風入於耳之脉使經氣否塞不宜故為風聾風隨  
氣脉行於頭腦則聾而時頭痛故謂之風聾出第二十九  
卷中  
崔氏療耳風聾牙關急不得開方

取八角附子二枚礮酢漬之二宿令潤微削一頭內耳

中灸上十四壯令氣通耳中即差出第四卷中

古今錄驗療風聾年久耳中鳴魚腦膏方

生雄鯉魚腦分八 當歸六銖 菖蒲六銖

細辛六銖 白芷六銖 附子六銖

右六味以魚腦合煎三沸三下之膏香為成濾去滓冷以一棗核大內耳中以綿塞之取差

又方

附子 菖蒲各等分

右二味搗以綿裹塞兩耳中取差

耳聾有膿方三首

千金療耳聾有膿方

烏賊魚骨去甲 釜底墨各二分 附子四分 炮

萬餘糧一分 龍骨二分 伏龍肝二分

右六味搗末取皂莢子許大綿裹內耳中日一易取差有蟲者加麝香一豆大

又方

搗桂末以魚膏和塞耳中不過三四度並出第六卷中

必効耳聾有膿方

鯉魚腸一具切 酢三合

右二味合搗以布裹塞耳兩食頃當悶痛白蟲出更著

新者蟲盡乃止取差無新者擇去蟲還可用良千金同  
久聾方五首

病源足少陰腎之經宗脉之所聚其氣通於耳勞傷於腎  
宗脉虛損血氣不足為風邪所乘故成耳聾勞傷甚者血  
氣虛極風邪停滯故為久聾出第二十九卷中

廣濟療風聾三十年無所聞方

草麻子 <small>五分</small>	杏仁 <small>四分</small>	桃人 <small>四分</small>	巴豆 <small>一枚</small>
石鹽 <small>三分</small>	附子 <small>一分</small>	皮熬	皮熬
菖蒲 <small>四分</small>	臘 <small>八分</small>	薰陸香 <small>一分</small>	磁石 <small>四分</small>
		通草 <small>二分</small>	磁石 <small>四分</small>
			研
		松脂 <small>二兩</small>	
			半

右十二味先搗菖蒲石鹽磁石薰陸香附子薰陸香成末

別搗草麻子等四味乃內松脂臘搗一千杵可捻作丸  
如棗核大綿裹塞耳中日四五度抽出別捻之三日一  
易以差為度千金翼云日一易之

肘後療二三十年聾方

取故鐵三十斤以水七斗漬之三宿取其水以釀七  
斗米用麴如常法酒熟出酒一斗取引針磁石一斤  
研末置酒中三宿乃可飲之取醉以綿裹磁石塞兩  
耳中好覆衣衾臥酒醒良久去磁石即聞人語聲也  
飲盡更為以差為度甚良千金同

又方

婦科

九

經餘

茱萸

巴豆

去皮熬

乾薑

各等分

右三味搗末以葱涕和以綿裹塞耳食頃乾去之更和塞之如此五日當覺病去無苦八九日便聞人語取差止常以髮塞耳慎避風

又方

柘根三十斤剉之以水煮用釀酒如常法久而服之

甚良

古今錄驗療三十年聾方

天雄一分

雞子一枚

附子一枚

右三味搗末取雞子開一孔取黃和藥却內雞子中封

合其頭還令雞覆之藥成以綿裹塞所聾耳中取差為度

耳鳴方六首

病源腎氣通於耳足少陰腎之經宗脉之所聚勞動經血而血氣不足宗脉則虛風邪乘虛隨脉入耳與氣相擊故為耳鳴診其右手脉寸口名曰氣口以前脉浮則為陽手陽明大腸脉也沈字也沉則為陰手太陰肺脉也陰陽俱虛者此為血氣虛損宗脉不足病苦耳鳴嘈嘈眼時妄見花光此是肺與大腸俱虛也左手尺中名曰神門其脉浮為陽足太陽膀胱脉也虛者膀胱虛也腎與膀胱合病苦耳鳴忽然

小壹必要

二十二卷

九

經餘

不聞時惡風膀胱虛則三焦實也膀胱為津液之府若三焦實則剋消津液剋消津液故膀胱虛也耳鳴不止則變成聾出第二十九卷中

廣濟療耳鳴塞耳丸方

巴豆二枚去皮熬 桃人去皮熬二枚 松脂大豆許

右三味搗作二九綿裹塞耳中

又療耳鳴沸鬧方

吳茱萸 巴豆去皮熬 乾薑 石菖蒲

磁石各一分

石六味搗末以鵝膏和少許以綿裹塞耳中以鹽五升

布裹蒸之以熨耳門令其煖氣通入耳內冷復易之如此數用差後常以亂髮卷以塞耳中慎風

肘後療耳中常鳴方

生地黄截斷塞耳日十易之以差一云紙裹微火中煨之用良出第四卷中

千金療耳鳴聾方

當歸 細辛 防風 附子

芎藭 白芷各六銖

右六味末之以雄鯉魚腦和煎三上三下膏香去滓以棗核許塞耳中以綿裹之魚腦用六合微火鍊之

又方

通草

細辛

桂心各三分

菖蒲四分

附子一分

礬石一分

當歸

甘草各二分

獨活六分

葱涕半合

右十味搗末以白鵝膏半合旋旋和以綿裹棗核大塞

耳中日三取差忌如常

又療耳聾鳴如流水聲久不治成聾方

生烏頭淨洗削如棗核大以塞耳中日一易之三日

愈亦療痒及卒風聾並出第六卷中

聾耳方一十首

病源耳者宗脉之所聚腎氣之所通足少陰腎之經也勞

傷血氣熱乘虛而入於其經邪隨血氣至耳熱氣聚則生

膿汁故謂之聾耳出第二十九卷中

廣濟療聾耳痒有膿不止菖蒲膏方

菖蒲一兩

狼毒

附子炮

礬石燒

礬石熬汁盡各一兩

右五味搗篩以羊髓和如膏取棗核大塞耳中以差為

度

又療聾耳膿血出方

取車轄脂綿裹塞耳中差冊後同千金治蟲入耳

又療聾耳方

黃連

龍骨

白歛

赤石脂

烏賊魚骨

各等分

右五味擣末以綿裹塞耳中每著以綿纏纏拭之著藥

肘後療聾耳耳中痛膿血出方

取釜月下灰吹滿耳冷深日三易之每換卽以篦子去之然後著藥取差爲度千金云竈下灰薄耳中

又方

附子末以葱涕和灌耳中取差單葱涕亦佳側卽令入耳中出中卷

又方

桃人熟擣以故緋絹裹塞耳中日三易以差爲度千金同

又方

黃連 附子焮各等分

右二味擣末以少許微微吹入耳中每著藥先拭惡物然後吹之

又方

釜月下墨末以猪膏和綿裹內耳中日再

集驗療聾耳出膿水散方

小臺必

二十二卷

七

經餘



礬石

烏賊魚骨

黃連

龍骨

右四味搗末以棗核許綿裹塞耳中日再

千金療聾耳出膿方

黃礬石

烏賊魚骨

黃連

赤石脂

各一兩

右四味搗末以綿裹棗核大內耳中取差止日二用龍

骨無赤石脂出第六卷中

耳卒疼痛方三首

病源凡患耳中策策病者皆是風入於腎之經也不治流入腎則卒然變脊強背直成瘞也若因痛而腫生癰癩膿潰邪氣歇則不成瘞所以然者足少陰為腎之經宗脉之所聚其氣通於耳上焦有風邪入於頭腦流至耳內與氣相擊故耳中痛耳為腎候其氣相通腎候腰脊主骨髓故邪流入腎脊強背直出第二十九卷中

肘後療耳卒疼痛方

蒸鹽以軟布裹熨之取差良

備急療耳疼痛有汁出方

熬杏仁令焦黑搗如泥作丸以綿裹內耳中頻易之差

廣濟療耳卒疼痛求死者方

菖蒲

附子各一分

右二味末以麻油和以點耳中立止册後崔氏同

耳卒腫方二首

肘後療耳卒腫出腫方

礬石燒末以葦管吹耳中日三四過或以綿裹塞耳

孔內取差

備急療耳卒腫方

栝樓根削可入耳以臘月猪脂煎之三沸冷以塞耳

中取差日三作七日愈册後治卒得風覺耳中恍惚

通耳中膿方二首

廣濟療耳膿水通耳礬石散方

通按 恍惚一作恍惚

吳白礬八分燒汁盡 麻勃一分 青木香二分 松脂四分

右四味擣末先消松脂後入藥末可丸如棗核淨拭以

塞耳中取差

又療通耳膿水出方

吳白礬八分燒令汁盡末 紅藍花臙脂 四十七枚

右二味和粉淨拭耳中以粉粉之每拭然後著藥

蟲入耳方九首

廣濟療蟲入耳腫不聞人語聲有膿血出方

黃耆四分 乾薑一分 蜀椒一分

右三味擣末以生地黃擣取汁和用綿裹棗核大塞耳

通按 麻勃即大麻花之別名也

中日三夜一以差止

肘後療百蟲入耳方

苦酒漬椒灌之即出

又方

温湯灌耳中

又方

擣藍青汁以灌之

千金療蟲入耳方

取桃葉火燂以塞耳卷之入中肘後同

又方

以葱涕灌耳中即出並出第六卷中

崔氏療蟲入耳方

若甲蟲入耳者以火照之手打木入勿令損之即向明出之或蚰蜒諸蟲入耳以酢灌之或麻油或人尿亦佳或酢酪更妙

備急療蟲入耳方

以銅錢二七枚以猪膏煎之用將灌耳

又方

以兩刀於耳前相敵作聲蟲即出走

蜈蚣入耳方三首

通按  
木入耳  
是火入

肘後療蜈蚣入耳方

以木葉裹鹽炙令熱以掩耳上即出冷復易之驗

又方

閉氣滿即吐之復閉準前以出為度或死耳中徐徐以鉤針出之若積久不出者取新猪肉炙向耳中搨之以出為度

千金療蜈蚣入耳方

炙猪肉掩耳即出集驗小品同出六卷中

蚰蜒入耳方三首

肘後療蚰蜒入耳方

熬胡麻搗以葛囊盛枕之蟲聞香則自出

又方

以水銀大豆許瀉耳中欹卧空耳向下擊銅器叩齒十下即出蚰蜒呼為土蛄似蜈蚣黃色細長是也備急療蚰蜒入耳神効方

以牛酪滿耳灌之即出當半消若入腹空腹食好酪一二升即化為黃水不盡更服神効肘後同

飛蛾入耳方二首

肘後療飛蛾入耳方

先大噏氣仍閉口掩鼻呼氣其蟲隨氣一口出而

又方

閉氣以箏管極吹之即出亦治百蟲入耳

蟻入耳方二首

肘後療蟻入耳方

燒陵鯉甲末以水和灌之即出

備急療蟻入耳方

炙猪脂安耳孔上即出或兩邊

耳雜療方八首

廣濟療耳鳴或聾漬酒方

菖蒲一斤 通草一斤 磁石德一斤碎

右三物切以絹袋盛清酒二斗浸之春夏三日秋冬五

日溫服三合漸加之至五合以下丸藥亦甚良

又療兩耳腫膿水出不聞人語聲方

黃耆 升麻 犀角屑 梔子各六分

玄參八分 乾藍 芍藥 人參各四分

大黃八分 青木香 黃芩 芒硝消各六分

右十二味擣篩蜜和丸食後少時以枸杞根湯下二十

丸漸增之忌如常

又療兩耳腫方

青木香 防已 芍藥 玄參

外臺秘製

七

經餘居

日欽殿

大黃

芒硝消

黃芩各八分

赤小豆十分

紫葛八分

右十味搗散以榆木白皮搗汁和之塗布帛上貼腫取消

千金療卒聾方

細辛一分

菖蒲一分

杏仁三分

麴末三分

右四味搗篩研杏仁合之如脂棗核大以綿裹塞耳中日一易小差二日一易夜去之旦即著

又底耳方

燒黃礬搗末綿裹塞耳中二三日即差

通按

又療耳乾聾聾上聲聾下聲不可出方聾上聲聾下聲切耳垢也

爛擣白死蚯蚓取汁灌耳不過數灌即挑出之並出

第六卷中

聾耳中垢

千金翼赤膏主耳聾齒痛方

丹參五兩

蜀椒一升

大黃

白朮

細辛

芎藭各一兩

大附子十枚

乾薑二兩

巴豆十枚去心

桂心四寸

右十味剉以苦酒漬一宿以猪膏三斤煎三上三下藥成去滓可服可摩耳聾者綿裹膏內耳中齒冷痛著齒間諸痛皆摩腹內有痛以酒服一棗許大咽喉痛吞一

通按  
附子十枚  
千金  
作二枚

小臺必要

二十二卷

八

經餘居

棗核大一枚出第十一卷中

崔氏療風氣及腰脚并耳聾方

破石十二兩碎綿裹石菖蒲四兩通草三兩瞿麥二兩

山茱萸三兩白朮三兩獨活四兩芎藭二兩

薯蕷三兩甘草二兩炙附子二兩炮桂心三兩

生薑五兩杏仁二兩去皮尖熬碎茯神二兩人參

前胡各三兩葱白切一升竹葉一握石膏二兩碎綿裹

右二十味切以水一斗四升煮取二升半去滓分三服

宜向暮服之令盡慎如常法五日禁食羊肉

鼻中息肉方一十一首

病源肺氣通於鼻肺藏為風冷所乘則鼻氣不和津液壅

塞而為鼻艱冷搏於血氣停結鼻內故變生息肉其湯熨

針石別有正方補養宜導今附於後養生方導引法云端

坐伸腰徐徐以鼻內氣以右手捻鼻除目暗淚苦出徐徐

閉目吐氣鼻中息肉耳聾亦能除又云東向坐不息三通

以手捻鼻兩孔治鼻中息肉出第二十九卷中

肘後療鼻中塞肉不通利方

礬石一兩燒通草半兩真珠一兩

右三味末以綿裹如棗核內鼻中日三易之有加桂心

細辛各一兩同前擣末和使用之

又方

陳瓜蒂搗末以傅塞肉上取差

又方

礬石燒 胡粉礬各等分

右二味末之以青羊脂和塗塞肉土以差

又方

細辛 瓜蒂各等分末以吹鼻中須臾涕出頻

吹之即差千金方以絮裹如棗核大塞鼻中須臾通張

文仲亦治鼻鼈不聞香臭

小品療鼻中塞肉通草散方

通草半兩 眞珠六銖 礬石燒 細辛一兩

右四物搗末以綿裹如棗核沾散如小豆并綿頭內鼻

中日三取差千金同

千金療鼻中息肉方

灸上星二百壯入髮際一寸又夾上星兩傍相去三

寸各百壯灸之取差出第六卷中

千金翼異 鼻中息肉不得息方

礬石三分 藜蘆二分 瓜蒂二七 附子二分

右四物搗末蘆管吹小豆許於鼻孔中或以綿裹塞鼻

中日再以差爲度一方加葶藶半兩出第十一卷中

崔氏療鼻中息肉不聞香臭方



燒礬石末以面脂和著鼻中數日息肉隨藥出千金  
必効療鼻中清涕生塞肉方同

細辛 六分

附子 五分炮

甘遂 六分

通草 五分

乾薑 四分

吳茱萸 三分合

桂心 四分

右七味搗篩末蜜丸如杏人綿裹塞鼻卧時著即涕出  
日三避風以差為度或以帛裹頭甚良妙

古今錄驗療鼻中息肉通草散方

通草

細辛

麩人

雄黃 研

皂莢

去皮子

白礬

二分

礬石

三分泥裹

藜蘆

三分

地膽

三分

瓜蒂

三分

巴豆

十枚

簡茹

三分

地榆

三分

右十三味搗篩末以細辛白芷煎湯和散傳息肉上又  
以膠清和塗之取差

又療鼻中息肉方

生地膽 一枚

細辛

白芷末

右三味以地膽押取汁和藥以塗貼息肉上取消亦只  
以地膽汁於竹筒中盛當上灌之即消無生者乾即酒  
煮汁用之

鼻鼈方五首

病源肺主氣其經手太陰之脉也其氣通於鼻若脉藏調

和則鼻氣通利而知香臭若風冷傷於藏腑而邪氣乘於  
太陰之經其氣蘊積於鼻者則津液壅塞鼻氣不宜調故  
不知香臭而為鼻鼈也出第二十九卷中

千金療鼻鼈方

甘遂 通草 細辛 附子炮各一分

右四味擣末以白雄犬膽丸少許內鼻中差崔氏同云卒熱涕出

又方

皂莢炙末如小豆以葦管吹鼻中

又方

以乾薑末吹之又蜜和寒之

又方

以鐵礪一云礪磨石取末以猪脂和綿裹塞鼻中取差  
止

又方

伏面臨牀前以新汲水淋玉枕上取差並出第六卷中通按玉枕腦後也  
肺寒鼻鼈方二首

刪繁療肺寒損傷氣欬及多唾呼聲鼻塞乾棗補肺煎方

棗肉二升取膏 杏仁一升去尖皮研 酥一升 薑汁一升  
蜜一升 飴糖一升

右六味依常微火煎每服一匙差止  
又療鼻塞有清涕出方

細辛

蜀椒汗

桂心

芎藭

吳茱萸

各三分

皂莢炙

屑二分

附子

八分炮

右七味切以苦酒漬一宿以猪脂一斤煎以附子色黃膏成以綿裹內鼻中兼以摩頂

鼻塞不通利方七首

小品療鼻中窒塞香膏方

白芷

當歸

芎藭

細辛

辛夷

通草

桂心

薰草

各三分

右八味以苦酒漬一宿以猪膏一升煎以白芷色黃成膏濾去滓取少許點鼻中或綿裹內鼻中以差止  
千金無桂心不用薰草用芥草

千金鼻塞多年不聞香臭清水出不止方

取當道車轆轆過蒺藜一把擣以水三升煎令熟先仰臥使人口含一合灌鼻中不過再大嚏出一兩箇息肉似爛蟲即差一方用黃連各二兩

又療鼻塞氣息不通方

小薊一把

右一味以水三升煮取一升去滓分服

又方

綿裹瓜帶末少許塞鼻中並出第六卷中

古今錄驗療鼻中不通利室塞者香膏方

當歸

芎藭

青木香

細辛

通草

蕤核人

白芷

各二分

右七味切以羊髓微火煎白芷色黃膏成去滓以小豆許內鼻中口再以差為度千金有蕤草無青木香云大熱鼻中赤爛者以黃芩梔子代當歸細辛

又療人鼻塞不通皂莢散方

皂莢

一分炙去支子

細辛

辛夷

蜀椒

附子

炮各等分

右五味搗末以少許吹鼻中或以綿裹塞之即通

又療鼻塞塞不得喘息皂莢散方

皂莢

去皮子炙

菖蒲

各等分

右二味以末綿裹塞鼻中暮卧之時乃著甚良

鼻塞常清涕方二首

病源夫津液涕唾得熱即乾燥得冷流溢不能自收肺氣通於鼻其藏有冷冷隨氣入乘於鼻故使津涕不能自收出第二十九卷中

肘後療老小鼻塞常有清涕出方

杏人 二分 附子 二分 細辛 一分

右三味切以苦酒拌用猪脂五兩煎成膏去滓以點鼻中即通又以摩顛上佳

必効療鼻塞多清涕方

細辛 蜀椒 乾薑 芎藭

吳茱萸 皂莢去皮尖 附子各三兩 猪膏一升三合

右八味切咬咀以苦酒浸一宿以猪脂煎候附子色黃去滓膏成凝以綿裹少許導鼻中并摩頂

鼻生瘡及疔蟲蝕方九首

病源鼻是肺之候肺氣通於鼻其藏有熱氣衝於鼻故生

瘡也養生方導引法云踞坐合兩膝張兩足不息五通治

鼻瘡出第二十九卷中

千金療疔蟲蝕鼻生瘡方

燒銅筋投酢中以塗之

又方

綿裹人屎灰夜卧著之

又方

燒祀竈飯末以傳之

又方

燒牛狗骨灰末以臘月猪脂和傳之差

又方

燒杏人壓取油傳之又乳和傳

又方

取烏牛耳垢傳之良

又方

燒故馬絆末傳之

又方

取牛鼻頭津傳之良並出第六卷中

必効療鼻內熱氣生瘡有膿臭并有蟲方

礬石一兩 燒 生地黄三兩 苦參一兩

右三味切以水八合煮取三合以綿濾之微微點鼻中  
日三五度差止

牙疼方八首

廣濟療牙疼巴豆丸方

巴豆十枚 去皮心 大棗二十枚 細辛一兩  
熬研如膏 取肉

右三味相和研為丸以綿裹著所疼處咬之如有涕唾  
吐却勿咽入喉中日三差

崔氏療牙疼方

烏頭 獨活 郁李根白皮各一大

右三味切綿裹以好酒一大升半漬一宿緩火煎取一

升去滓看冷熱漸含良久卽吐却含取差齒痛不問風  
蟲無不差必須含吐之不可咽却也有毒恐傷人單用  
烏頭獨活亦差

又方

令患人所患牙齒齧宅東南桑枝一條教三姓人於  
桑枝灸三炷一炷咒之曰東方有蟲子不食五穀專  
食牙齒三姓灸齒痛蚍蟲自然死一咒一再拜卽合  
灸人患人等還不得迴頭更看之

張文仲療牙疼驗方

獨活 五分

莽草 二分

細辛 二分

附子 一枚

右四味切以苦酒五合浸以銅器中溫之稍熱含良久  
吐却汁未差更含之勿咽汁欲食以煖水漱口甚良

救急療牙疼方

莽草

細辛

枳根皮

各三兩 椒 一合 汗

右四味切以水一升煮取半升細細含之十度末不發  
藥有毒不得嚥之含了以煖水三五度漱口訖以胡桐  
律一豆著痛齒上風痛蟲食並差

必效療牙疼方

取皂莢子擣末以綿裹如彈子大兩顆於醎醋中煮  
熱徹於牙疼處齧之冷卽易日三五度以差爲度

又方

取桃李槐並白皮各等分以酒煮含之取定

姜君療牙疼方

白楊皮

一握

地骨皮

一兩

椒

二七枚

杏人

二七枚  
去皮

細辛

一兩

生地黃

二兩

好鹽

一合

蒼耳子

二兩  
碎

右八味切以酒二升煎六七沸去滓含之冷即吐却別含以差為度

齒痛方一十一首

病源手陽明之支脉入於齒齒是骨之所終髓之所養若

風冷客於經絡傷於骨髓冷氣入齒根則齒痛若蟲食齒

而痛者齒根有孔蟲在其間此則針灸不差傳藥蟲死痛

乃止其湯熨針石別有正方補養宣導今附於後養生方

導引法云常向本命日擲髮之始叩齒九通陰咒曰大帝

散靈五老及真泥丸玄華保精長存左迴拘月右引日根

六合清鍊百疾愈因咽嚥每三過常數行之使齒不痛髮牢

不白頭腦不痛又云東向坐不息四通琢齒二七治齒痛

病大張口琢齒二七一通二七又解四通中間其二七大

勢以意消息差病而已不復疼痛解病鮮白不驚驚亦不疏

離久行不已能破金剛又云東向坐不息四通上下琢齒

三十六下治齒痛出第二十九卷中



廣濟療齒痛及落盡石膽傳方

取石膽研以人乳汁和以傳齒痛上或孔中日三兩度止痛後生齒百日復故齒生止每以新汲水漱令淨

集驗療齒痛方

雞屎白燒灰末以綿裹置齒痛上咬咋之差

又方

芎藭

細辛

防風

礬石

燒令汁盡

附子炮

藜蘆

莽草

右七味各等分搗篩為末以綿裹彈丸大酒漬熨所患

處含之勿嚙汁千金同

又方

獨活三分

黃芩

芎藭

當歸

葶撥

各二兩

丁香

一兩

右六味切以水五升煮取三升去滓微微含漱良久吐

却更含

又方

含白馬尿隨左右含之不三五口差

張文仲備急同並出第六卷中

張文仲療齒疼痛方

燒牛膝根末以綿裹著齒痛處含之

外臺秘要 卷二十二 經餘

又方

蜀椒 礬石各一兩

右二味以水一升煎取六合去滓含之嗽口吐却勿咽之

備急療齒痛方

胡菜子五升應是胡荽子也謹按本草荽耳一名胡荽殺疔濕蛋封丁腫此吐之治齒痛相近即非是胡菜子也以水五升煮取一升含

又方

馬夜眼如米許以綿裹著痛孔中斷根源也混按馬夜眼未詳何物

古今錄驗療齒痛方

取楊柳細白皮卷如指大含嚼之以汁漬痛齒根數過即差

又方

獨活三兩 芎藭二兩 當歸二兩 葶撥二兩

黃芩二兩 甘草二兩 細辛二兩 雞舌香一兩

右八味切以水五升煮取三升去滓含之取差千金無甘草 齒疼方六首

千金療齒疼方

灸外踝下高骨前交脉三壯

又方

外臺秘要 卷二十二 經餘

以繩量手中指至掌後一橫文又折為四分量文後  
當臂中灸一壯隨左右取之

又方

雞屎白以醋漬煮稍稍含之差

又方

生地黄一節 蒜一瓣

右二味擣以綿裹著痛處咬之勿嚥汁汁盡吐出日日  
為之差止

又方

舍驢尿須臾止並出第六卷中

美生齋齒疼方

附子 一分 胡椒 半撮 各二分

右三味擣末著齒痛上又以散用臘和為丸置齒痛孔  
上取差止

牙齒疼痛方八首

病源牙齒痛者是牙齒相引痛牙齒是骨之所終髓之所  
養手陽明之支脈入於齒若髓氣不足陽明脈虛不能榮  
於牙齒為風冷所傷故疼痛也又有蟲食於牙齒則齒根  
有孔蟲居其間又傳變餘齒亦皆疼痛此則針灸不差傳  
藥蟲死痛乃止出第二十九卷中

廣濟療牙齒疼痛牙斷腫痒齒根宜雷方

肥松節四分

細辛二分

蜀椒一分

胡椒四分

右四味切以清酒四升煮十沸承熱含之冷即吐却更含差止

又療牙疼齒痛方

取槐白皮一握切

右一味以酢一升煮去滓著鹽少許適寒溫含日三易之

備急姚氏療牙齒疼痛方

取枯竹燒竹一頭以注錢上得汁多著齒上即差

必効療牙齒疼痛方

防風

附子

蜀椒各二兩

莽草一兩

右四味搗篩為散溫清酒一盞和少許含勿嚥汁以酒漱口十年患亦差止

又方

獨頭蒜煨之乘熱截一頭以熨痛上轉易之亦主蟲痛

又礬石散療牙齒疼痛風齩齩音食根出齒已落者方

礬石燒令汁盡

藜蘆炙

防風

細辛

乾薑

白朮

椒汗

甘草炙

齩音食  
齩也

蛇牀子

附子

炮各八分

右十味擣篩為散溫酒半升內散方寸七攪調含之漱吐勿嚥之日三度差百日齒已落者還生每食時更以空酒漱去藥氣然後喫食

又療牙齒疼肉宣露風寒効方

葇若子擣末綿裹著痛上吐却汁勿嚥之良

又方

獨活 十兩

生地骨白皮 切三升

細辛 二兩

楓柳皮 一兩

甘草 二兩炙

旨五味切以水五升煮取一升細細含勿咽冷即吐之

蠶齒方五首

病源齒蠶者是蟲蝕齒至斷膿爛汁臭如舐之狀故謂之

蠶齒 出第二十九卷中

廣濟療蠶齒石黛散方

五月五日乾蝦蟇燒灰石黛甘皮各等分擣末以傅

齒上取差

又療蠶齒及口疳蟲食紫藍灰方

取紫藍燒作灰以塗傅之日三五度取差為度

又療蠶齒并蟲積年不差從少至老方

雀麥一名牡蛙草似牛尾草一味苦瓠葉三十枚淨

通按 牡蛙草 一作牡 姓草 同 蠶即青 不卜石 卷中云 甘皮前 即甘草

洗露一宿平旦取草屈長二寸廣一寸厚五分以瓠葉裹縛作五六十裹子以三年酢漬之至日中以兩裹火中炮令極熱內口中齒外邊熨之冷更易取銅器以水內中解裹於水中洗之即有蟲長三分老者黃色少者白色多即三二十枚少即一二十枚此方甚妙千金同

必效近貴勝共傳蠶齒方

細辛 當歸 甘草 蛇牀子各一兩

青荊子三兩

右五味搗以綿裹如大豆著齒上日三勿嚥汁差止附

後同

又蠶齒方章給事處得之

每見月拜咒云月阿姑蠶齒蟲枯月阿姨蠶齒蟲死以差即止

齒風疼痛方三首

張文仲療頭面風口齒痛不可忍方

椒一合 莽草十葉 白木 雀李根柳李根也

獨活 芎藭各二兩 細辛 防風各一兩

右八味切以酒三升煮三五沸去滓含之以差為度勿嚥汁千金無白木

通按 雀李根

救急療齒風動痛方

蒼耳一握以漿煮著鹽含之

古今錄驗療齒中風疼痛齩腫芎藭湯方

細辛 一兩 芎藭 二兩 附子 一兩

右三味切以水六升煮取二升去滓含之少許冷即吐却日三四度勿嚥汁

齩齒方七首

病源于陽明之支脉入於齒足太陽脉有人於頰遍於齒者其經虛風氣客之絡搏齒間與血氣相乘則斷腫熱氣加之膿汁出而臭侵食齒齩謂之齩齒亦曰風齩養生方

云朝夕琢齒齒不齩又云食畢當漱口數過不爾使人病齩齒 出第二十九卷中

廣濟療齒齩痛方

五月五日蝦蟇燒作灰 石黛 甘皮

細辛 白雞屎 麝香 乾薑

熏黃

右八味各等分以薄綿裹少許內齩齒孔中日三易之差

集驗療齩齒方

取松脂銳如錐注齩孔內須臾齩齒綠松脂出

又方

煮雞舌香汗含之差

千金療齩齒及蟲齒方

白附子一分

知母一分

細辛五分

芎藭三分

高良薑二分

右五味末以綿裹少許著齩上勿嚙汁日二三亦治口

氣

又方

取白馬懸蹄少許塞孔中日二度即差止虞同並出第六卷中

張文仲療齩齒方

以郁李根白皮切水煮濃汁含之冷易之當吐蟲出

備急齩齒方

皂莢炙去皮子末少許著齒痛上差

齒蟲方五首

病源齒蟲是蟲食於齒齒根有孔蟲在其間亦令齒疼痛食一齒盡又度食餘齒養生方云雞鳴時常叩齒三十六下長行之齒不蠹蟲令人齒牢又云朝未起早漱口唾滿口乃吞之輒唾齒二七過使人丁壯有顏色去蟲而牢齒又云人能常服玉泉必可丁壯妍悅去蟲牢齒謂口中唾也出第二十九卷中



小品療齒蟲密棘刺漱湯方

腐爛棘鍼二百枚，卽是聚木刺朽落地者，用一物以水二升煎取一升，含之卽差，日四五度，以差爲度。

刪繁療齩齒蟲方

葭蓉子三合，青錢七文，燒令赤，取小口瓶子，可令口合得者，將錢內瓶子中，取葭蓉子一撮，安錢上，令燂炆聲，仍以水少許淋錢上，卽氣出，用熏齒，冷止。三合藥盡爲劑，蟲食齩齒風痛並用。千金同。

又療蟲齒痛椒湯方

蜀椒 一兩  
礬石 半兩  
桂心 一兩

右三味以水三升煮取一升，去滓，含之漱齒，勿嚥汁，甚

良。

又附子塞蟲孔丸方

附子一枚炮末，以臘和之爲丸，準齒蟲孔大小內之，取差止。

必效殺齒蟲方

雄黃末，以棗膏和爲丸，塞牙孔中，以膏少許置齒燒鐵篋烙之，令徹，燕以差止。  
一方有附子一枚

風齒方四首

病源：手陽明之支脈入於齒，頭面有風，陽明之脈虛，風乘

虛隨風流入於齒者則令齒有風微腫而根浮也出第二十九卷中  
集驗療風齒疼腫悶方

莽草 二兩

右一味以水五升煎取三升含漱之勿嚥汁

又方

椒 二十粒

枳根皮

莽草

細辛

菖蒲

牛膝 各二兩切

右六味切以水四升煮取二升去滓細細含之以差為

度未差更作取差

備急療風齒疼刺腫方

煮獨活含之良

又療風齒腫杉葉湯方

杉葉 三兩

芎藭

細辛 各二兩

右三味切以酒四升煮取二升半稍稍含之取差勿嚥之

風齒根出方二首

廣濟療熱風齒斷肉欲盡根出恐是疳蟲食斷及耳鼻疼

痛方

石黛 五分

細辛

棘刺

菖蒲

香附子

當歸

青木香

胡桐律

乾薑 各四分 青菴子 六分

右十味搗為散以半錢七綿裹就齒痛處含之勿停差  
止服後九方 一方無細辛有雞舌香

九方

苦參 八分 大黃 黃芩 枳實 各六分

地骨皮 六分 玄參 八分 黃連 八分

右七味搗篩蜜為丸食後少時以漿水服一十五丸日  
再服至二十九增減自量之忌蒜麴猪肉

風齒口臭方二首

續濟療風齒口臭臭芎藭湯方

芎藭 三兩 當歸 三兩 獨活 四兩 細辛

白芷 各四兩

右五味切以水五升煮取二升去滓含漱日三五度取  
差

齒敗口臭方

取芎藭煮一味含之

牙齒風齩方三首

延年療牙齒風齩方

鼠粘子

右一味搗以水四升煮取二升半濾去滓適寒溫含之

冷吐別含取差

又方

薏苡根

四兩切

右一味以水四升煮取二升含冷易之

又方

郁李根白皮

切四兩細辛一兩

鹽一合

右三味切以水四升煮取二升半去滓內鹽含之取差

牙齒寒風蟲俱療方五首

廣濟療牙齒疼痛風蟲俱差方

獨活

防風

各四兩

芎藭

細辛

當歸

各五兩

沉香

八分

雞舌香

零陵香

各五兩

黃芩

十分

升麻

八分

甘草

六分

右十一味擣篩炷臘少許丸如小豆以薄綿裹當痛上含有汁嚙亦無妨口臭氣尤妙

又療齒痛不問蟲風者方

熏黃

一兩

莽草

一兩

臘月羊脂

蜀葵莖

兩枚

右四味擣熏黃等為末消羊脂以葵莖蘸脂點藥末注齒痛處孔中日三五度每令葵莖熱用之良

又療牙齒疼蟲痛含湯方

肥松脂

三兩

皂莢

一枚去皮子炙令黃

石鹽

七枚

右三味切以水二升煮取八合去滓温含冷吐之即差止

崔氏療牙齒隱隱痛無問風蟲搖動齒斷脚宣露含此藥効其斷便生方

取細柳枝捋去皮剉一升炒之內大豆一升和柳枝更炒以豆炮聲盡於埴器盛之以清酒三升漬之經三日含之頓吐即無妨兩劑無不愈其斷亦生

必効療風蟲疼痛方

取屋間蜂窠一枚炙椒七粒

右二味以水一升煎取半升含之或斷腫勿怪之

風衝牙齒搖動方二首

延年療風衝牙齒搖動方

車下李根白皮

郁李根也三兩切

蒼耳子

三合碎

右二味以水三升煮取二升含之良

又方

芎藭

三兩

細辛

一兩

防風

二兩

薏苡根

三兩

右四味切以水六升煮取三升去滓含漱齒日三五度差止

疔蟲食齒方一十首

千金凡齒斷宣露多是疔蠶及月蝕方

千金無沙糖  
二字

以角蒿燒灰夜塗齒斷間使滿不過兩三度即差慎  
油膩沙糖乾棗及桂切忌之

又方

每旦以鹽一捻內口中以煖水含和鹽揩齒百遍可  
長為之口齒牢密

又凡人好患齒病多由月蝕夜食飲所致識者特宜慎之  
所以日月蝕未平復時特忌飲食小兒亦然方

蚯蚓糞水和作稠泥團以火燒之令極赤末之如粉

以臘月猪脂和傅齒斷上日三即差止

又疳蟲食齒根方

千金作地  
龍似其

伏龍肝置石上著一撮鹽須臾化為水以麴展取待  
凝厚取以內病上

又方

以皂莢去皮炙末塗上蟲即出

又方

純麻子燭燼研以井花水和傅之

又方

黑穀羊脂 葛芢子 各等分

右二味和先燒鏹助使赤內其中煙出以布單覆頭令

煙入口熏之並第六卷中

通按  
登音穹  
齊斤空  
受柄處

外臺必要

二十二卷

三

經余考

張文仲疔蟲方

大醉一升煮枸杞白皮一升取半升含之蟲即出

通按  
姜生一  
作養生

姜生論云齒斷虛軟而無膿血又口罅其齒斷觸著即膿血出又口疔其齒斷不觸自然膿血出又口瘻其齒斷止有小孔如峰窠形又齒疔其骨脆爛其齒斷唇口吻變作白色或作青紫黑色者是急疔之狀死不過旬日宜急療之先看脣頰邊有赤白黑脉處即須以針針去惡血便燒鐵篦烙之如此變即定或附齒有黃色物如爛骨狀名為食床疔療齒看有此物先以錐刀略去之然後依方用藥其齒斷內附著齒根者形如雞子膜有如蟬翼纏著齒者亦

須細看之不爾其齒斷永不附著齒根也病狀如前後方自有委曲也又雄黃膏療齒中疔瘡蠶癭蟲蝕牙齒口裏之疾皆療之其膏以十二月合即得一年用不爾難久停方

好牛酥

五三大兩

蜜臘

半兩

雄黃

一小兩

朱砂

二分研

藁本

半大兩

藜蘆

二分

杏仁

四分去皮尖

芎藭

白芷

鱧鱓魚

升麻

各三分

右十一味以酥中煎諸藥魚令黃色去魚煎三上三下入臘煎沫盡膏成收器中攪勿住手凝定以本方即諸藥並為末不去滓甚良

又升麻指齒方

升麻 半兩

白芷

藁本

細辛

沉香 各三分

寒水石 六分

右六味搗篩為散每朝楊柳枝咬頭軟點取藥指齒香而光潔藥指以缺一方云用石膏貝齒各三分麝香一分尤妙

齒痛有孔方四首

備急療牙齒有孔方

葇荂子數粒內齒孔中以臘封之即差

古今錄驗療齒痛有孔不可食飲面腫莽草湯方

莽草 七葉

蜀椒 九箇

右二味以漿水二升煮取一升適寒溫含滷口冷即吐之日二三含之千金同

又療齒齲痛有孔方

取雄雀屎以綿裹內齒孔中日二易之

姜生療齒有孔方

附子 二分炮去皮

蜜臘 五分

右二味相和為丸塞齒孔中即差忌冷水油膩

齒挺出及脫落方五首

廣濟療齒牙風挺出疼痛郁李根湯方

郁李根 五兩

芎藭 二兩

細辛 二兩

生地黄 四兩



右四味以水六升煮取二升半去滓先以鹽湯漱口然後溫含之冷即吐更含取差

崔氏療牙齒挺出疼痛不可忍方

羊腎脂

合

泔淀 二合

牛糞

一合

甘草

用末之

半兩生

青黛

大棗

熏黃

末

右六味相和銅器中微火煎五六沸取東引桃枝如筋  
大六枝以綿纏頭點取藥更互熱烙齒齦際隔日又烙  
之不兩三度看好肉生以差乃止欲烙時淨刮齒牙根  
上然後爲之不爾肉不生十餘日忌生冷酢酒肉陳臭  
一年禁油

又療疳濕牙齒脫落刺唇穿破及下部侵蝕并痔匿齒悉  
療之方 顧參軍授甘家秘之

青黛

二兩

雄黃

研

朱砂

研

葇若子

熬

青礬石

黃礬石

白礬石

並燒令  
汁盡

附子

苦參

甘草

炙

藜蘆

炙

細辛

麝香

研各  
一兩

右十三味擣篩爲散有前齒疾稍稍著病上日二三濕  
置者以井花水平旦抄取半錢七水中服之兼以薄綿  
裹如棗核許著蝕蟲蟻處日三差止下部中濕蟻蝕之  
以苦參甘草作湯和半錢七灌之良 並出第四卷中

張文仲療齒根欲脫落方

取生地黃搗以綿裹塞齒根張含之甚妙

備急比見患齒風傷齒挺出一分者方

長叶地黄尤妙更不復發

齒間血出方三首

病源手陽明之支脉入於齒頭面有風而陽明脉虛風挾熱乘虛入齒斷搏於血故血出也出第二十九卷中

千金齒間血出者方

竹葉濃煮著鹽含之冷吐

又方

童子小便温含之冷吐血即止並出第六卷中

備急療齒疼痛斷間血出神驗方

好鹽熬每夜封齒根上瀝水盡乃扣齒一二百遍即

差忌棗沙糖等

齒血不止方四首

千金療齒血不止方

刮生竹皮以苦酒漬之令其人解衣坐使人含嚼其背三遍仍取茗草濃煮汁含之漱嚙終日為之

又療齒斷間津液血出不止方

生竹筴四兩醋浸一宿含之

又方

細辛 二兩 甘草 二兩

右二味醋一升煮夜含之及熱尤良

又方

礬石一兩燒末以水二升煮先拭血乃含之並出第六卷中

齒腫方二首

千金療齒根腫方

松葉 一把 鹽 一合

右二味以好酒三升煮取一升含之冷吐差即止

又療齒腫痛及蟲方

黃芩 甘草 桂心 當歸

細草 蛇牀子 各一兩

右六味切以漿水七升煮取三升去滓含之日三夜一

良並出第六卷中

牙疼痛及蟲方三首

必効療牙風疼方

取東牆下朽骨削之如疼牙齒許大於塘灰中煨燒令熱於所痛處齧之冷即易之

又牙蟲痛并蟲蝕方

以水煮露蜂房細辛各等分含之即差止

通按  
細草一  
本細辛

通按  
頭音堆  
籠如堆  
也

又療牙疼及頭牙斷風腫口急不開面目虛腫皆頰起者

葫蘆 五兩以水五升 煮取四升去滓

獨活 烏賊魚骨 桃膠 各一兩 桂心 半兩

酒 一合

右八味切以水二升煮取八合投葫蘆汁及酒更煎取一小升去滓含之就病處日三以差止為度

牙齒雜療方七首

集驗療齒楚痛方

生地黄 桂心

右二味合以含嚼咽汁無妨千金同

刪繁療心虛寒口氣臭衝人又蟲齒痛芎藭散方

芎藭 八分 白芷 七分 甘草 五分 桂心 四分

杜蘅 四分 當歸 五分

右六味搗篩為末以酒和方寸匕服之日二服

千金療酒醉牙齒漏血出方

燒釘赤桂血孔中即止

又療齒痛方

當歸 桂心 甘草 炙各二兩 礬石 六分

右四味切以漿水二升煮取一升含之日五六差止

小臺必嬰

二十二卷

見

經餘居

外臺秘要 卷二十一 經餘居

張文仲療齒痛風引腫搖動發作不療蟲蝕盡方

礬石燒 乾薑 藜蘆 蛇牀子

甘草炙 細辛 蜀椒 防風各一兩

右八味搗散以一錢匕和溫酒二合含之勿嚥汁冷令吐出日三度差止齒落自復生甚効

又療歷齒稍碎壞欲盡方

礬石如棗大以綿裹含之取差

古今錄驗療牙齒根搖擬欲墮者齧齒方

取生地黃綿裹含之微嚼候汁味盡棄之乃更含之

緊唇方一十三首

通按 瘡音瘡 汁也謂 唇瘡宜 濕如汁 也

病源脾與胃合胃為足陽明其經脈起鼻環於唇其支脈入絡於脾胃脾胃有熱氣發於唇則唇生瘡而重被風邪寒濕之氣搏於瘡則微腫濕爛或冷或熱乍差乍發積月累年謂之緊唇亦名瘡唇出第三十卷中

廣濟療緊唇水銀膏方

水銀 熏黃研 青礬研 苦參各二兩末

絳緋一方寸 亂髮一雞子大 細辛三兩末

右七物以緋裹髮用麻油一斤蠟二兩先煎苦參細辛以緋髮消盡入水銀石藥及蠟候膏成攷凝定以傅病上取差為度水銀和石藥兩味研令盡入煎之

外臺秘要 卷二十一 經餘居

又療緊唇瘡久不差石硫黃膏方

石硫黃 研

白礬 燒

朱砂 研

水銀

麝香

黃礬 末各一分

右六味和水銀研於瓷鉢中以水銀盡用臘月猪脂和如泥先拭淨塗之日三五以差為度甚良

小品療緊唇方

以白布纏作燭著空斧中燒布斧刃有汗出以指壓取塗病上取差千金同

千金療緊唇方

灸虎口男左女右七壯

又方

灸承漿三壯良

又方

青布燒灰酒服之又以脂和塗

又方

以蠟片灸貼之一宿差

又方

灸松脂貼上

又方

先灸瘡燒蛇皮灰以傅之並出第六卷中

劉氏療緊唇方

取膝頭垢綿裹燒傳之

又方

取屠兒肉凡上垢燒塗之

又方

燒人尿灰傳之

又方

馬芥一名刺芥擣取汁日暴令濃先指唇使血出以藥七塗之亦療刺風並出第四卷中

瀝唇瘡爛方五首

肘後療瀝唇常瘡爛方

以五月五日鯉魚血以書光墨和塗

集驗療瀝唇緊唇方

以青布卷燒炷著斧上取汁塗之良千金同

又方

取亂髮蜂房六畜毛燒作灰以豬脂和如膏傳千金同

又方

龍甲及頭垢燒灰傳之千金同

又方

礬石燒末和胡粉傳之差

唇瘡方三首

肘後療唇瘡方

以頭垢付傅之日三千金同

又方

以東壁土傅之

千金療唇瘡方

胡粉傅之

口瘡方一十一首

廣濟療口瘡煎方

龍膽

黃連

升麻

槐白皮

大青各二兩

苦竹葉切一升

白蜜半升

右七味切以水五升煮取一升去滓下蜜煎之塗口瘡差

又療口舌生瘡含煎方

升麻

大青

射干各三兩

梔子

黃蘗各一升

蜜八合

薔薇白皮五兩

苦竹葉切一升

生地黃汁五合

生玄參汁五合無用乾者二兩

右十味切以水六升煎取二升去滓入生地黃汁蜜煎成一升如錫細細含之取差即止

又心脾中熱常患口瘡乍發乍差積年不差方



升麻 八分

大青

枳實 炙

甘草 炙 各六分

苦參 七分

黃連 八分

生乾地黄 八分

右七味搗羅蜜丸以水服二十九日再忌如常法

集驗療口瘡方

升麻

黃蘗

大青 切

右三味切以水煮含之冷吐差止

又方

蘆根 四兩

黃蘗

升麻 各三兩

生地黄 五兩

右四味切以水四升煮取二升去滓含取差極冷吐

却更含之

千金療口瘡不歇生牛膝漱口煎方

生牛膝

生蘘荷根 各三兩

刺蘘葉 一兩

右三味剉綿裹以酒三升漬一宿微煎一兩沸含之

必効口瘡方

黃芩

芍藥

羚羊角 屑

黃蘗

大青

苦竹葉 各二兩

升麻 二兩

右七味切以水七升煎取二升去滓內蜜二合攪含冷

吐以差止 肘後同

古今錄驗療口瘡湯方

細辛

甘草

桂心 各三兩

右三味切以酒一升煮取六合含之

又黃芩湯療口瘡喉咽中塞痛食不得入方

黃芩

黃連

甘草 炙

黃蘗 各一兩

右四味切以水三升煎取一升含之冷吐取差

又方

大青 四分

山梔子

黃蘗 各一兩

白蜜 半升

右四味切以水三升煮取一升去滓下蜜更煎一兩沸

含之取差止

又升麻散主口瘡方

升麻 六分

黃蘗 六分

右二味搗末以綿裹含之

口瘡久不差方二首

千金療口瘡不差入胷中生瘡三年以上不差方

薔薇根濃煮汁含之又稍稍嚥之三日三夜差冬取

根夏取莖葉

又方

以角蒿灰塗之一宿知二宿差勿嚥汁取差為度

又論云凡患口瘡及齒切禁油麪酒醬醋膩乾棗差後七

日斷之彌佳若不久慎尋手即發發而更瘡其差稍遲慎

之慎之薔薇根角蒿為口瘡之神藥人皆不知之

口吻瘡方四首

病源足太陰為脾之經其氣通於口足陽明為胃之經手陽明為大腸之經此二經並夾於口其腑藏虛為風邪濕熱所乘氣發於脉與津液相搏則生瘡常濕爛有汁世謂之肥瘡亦名驚口瘡出第三十卷中

千金療口吻瘡方

楸白皮及濕貼之數易取差

又方

掘經年葵根欲腐者彌佳燒灰以傅之

又方

白楊枯枝鐵上燒一頭取熱塗之本方云瘡驚吻

又方

以新炊飯了甌脣及熱熨之二十七下三兩度差止

口乾燥方五首

刪繁療口熱乾燥甘草丸方

甘草六分 人參六分 半夏六分 烏梅肉六分  
棗膏十分

右五味擣篩四味棗膏相和入蜜丸如彈子含之差千金同分兩小異

千金療口乾除熱下氣方

石膏五合碎

右一味以水三升煎取二升入蜜二升煮取二升去滓稍稍含咽之差止

又口乾方

猪肪脂雞子大擘內醋半升漬一宿絞汁服之取差為度

又方

酸棗一升去核酸石榴子五合乾葛三兩

麥門冬四兩去心覆盆子三合甘草炙

右八味搗以蜜丸含如棗核大潤為度

烏梅五合去核

栝樓三兩

張文仲主口乾方

乾棗肉三兩

甘草炙

杏仁去尖皮

烏梅二兩

右四味搗以蜜和丸如棗核含以潤差止

口臭方九首

千金療口中臭方

桂心

甘草

細辛

橘皮各等分

右四味搗篩以酒服一錢匕差止為度

又方

甘草五兩

芎藭四兩

白芷三兩

右三味搗篩以酒服方寸匕日三三十日口香

小醫必要

二十二卷

五

經餘居

又方

• 濃煮細辛含之久却吐甚良

又方

橘皮 五分

桂心 三分

木蘭皮

四分

芎藭

六分云

右四味搗篩以酒服方寸七日再服

一方無芎藭亦可  
以棗丸含化

又方

大豆熬令焦以醋沃取汁含之

又方

細辛

豆蔻

右二味等分搗末煮含之甚良

又方

梔子

甘草

炙各三分

細辛 五分

桂心

二分

芎藭

四分

右五味搗篩蜜丸食後服七九日再差止

又方

芎藭

白芷

橘皮

桂心

各四分

棗肉

八分

右五味搗篩四物以蜜和棗肉為丸食後服十九又含  
之以差為度此方甚驗

古今錄驗療口臭方

小書必覽

二十二卷

卷

經

甘草 二兩 細辛 二兩

右二味臨卧三指撮以酒服之甚良 千金同

舌論一首

刪繁舌者主心小腸之候也舌重十兩長七寸廣二寸半善用機衡能知五味凡有所嗽若多食鹹則舌脉凝而變色多食苦則皮藁而外毛拔多食辛則舌筋急而枯乾多食酸則舌肉腫而唇揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五藏之氣也若藏熱則生瘡唇揭赤色若肺寒則舌本縮進口噤唇青寒宜補之熱宜瀉之不寒不熱依肺藏謂之

舌本縮口噤方二首

刪繁療舌小腸腑寒應舌本縮口噤唇青獨活解噤膏方

獨活 各三兩 天雄 一兩 防風 一兩

蜀椒 二合 莽草 十葉 細辛 各一兩 桂心 各一兩

苦李根皮 三兩 猪肪 二升

右十味咬咀綿裹以苦酒一升淹漬一宿以猪肪微火煎之去滓膏成凝以綿裹少許口含於舌下壓之取差日三度易之此方甚良

又生艾葉薄法

無生艾葉者取乾者擣之以水淹一升已來熟擣以

帛塗之於寒處上封裹之以差為度  
舌上瘡方二首

千金云舌上瘡不得食舌本強頸兩邊痛此因心虛熱所致療之方

柴胡

升麻

梔子人

芍藥

通草

各四兩

黃芩

大青

杏仁

去皮尖

生薑

各三兩

石膏

八兩綿裹

右十味切以水一斗煎取三升半分四服日三夜一又療舌上瘡方

猪膏 一斤

蜜 二斤

甘草 如指節

右三味相和煎相得即含棗許嚥之日三差止  
咽喉舌諸疾方七首

千金喉舌諸疾方

松子

苦芥子

擣以苦酒和貼上

又方

麥麩以苦酒和塗之痛止

小品療喉諸病方

雞子一枚破以黃白攪吞之差

文仲療咽喉舌諸方

小意必更

二十二卷

五七

經余言

瓜耳下張口解間突處痛瓜勿止兩三食久即得咽  
喉開

又方

隨所近左右刺手中指爪甲下令血出當先縛中指  
令血聚刺之

備急療急喉啞舌病者方

隨病所近左右以刀鋒裁刺手大指甲後爪中令出  
血即愈

又方

病人臥急爪其蹠心隨所近左右以差為良

通按  
蹠音隻  
蹠掌也

通按一本咽喉舌諸疾方七首與前不同今附錄

又方之

千金烏髮膏喉嚨者脾胃之候若藏熱喉則腫塞神氣  
不通方

生烏髮

十兩

升麻

三兩

通草

羚羊角

芍藥

各二兩

薔薇根

切一升

生地黄

切五合

猪脂

二斤

艾葉

六銖生者猶佳

右九味吹咀綿裹苦酒一升淹浸一宿內猪脂中微  
火煎取苦酒盡膏不鳴為度去滓薄綿裹膏似杏人

大內喉中細細吞之



又方療喉痺

以牛角燒研末酒服方寸匕

又方療喉痺痺卒不語

煮大豆汁吞之

又方療喉痺燥腫連頰吐氣數者名馬喉痺

馬鞭草一握勿見風截去兩頭搗汁服之差

又方療舌腫

以醋和釜底墨厚傳舌上下脫皮更傳消息取差

又方療舌脹

用雄雞冠血盞盛浸舌下卽縮

肘後療舌上出血如鑽孔者

煎香薷汁服一升日三服盡

口唇舌鼻雜療方一十四首

廣濟療疳蟲蝕唇鼻齒口及餘處皆効方

石硫黃

研

乾漆

熬

文蛤

燒作灰

右三味各等分絹篩之每用減取胡桃大麝香棗核大

研和先拭上惡物血等然後傳之日三

肘後療唇裏忽生九核稍大方

以刀鋒決之令血出差

剛繁療舌主心藏熱卽應舌生瘡裂破唇揭赤升麻泄熱

煎方

升麻 三兩 射干 三兩 黃蘗 升切一 苦竹葉 切五合

大青 二兩 生蘆根 薔薇根白皮 各切一升

生玄參 汁五合 生地黄 汁五合 赤蜜 八合

右十味切以水四升煮七味取一升絞去滓下諸汁蜜

等候成煎放冷以綿取之封貼舌上含之細細嚥之以

差為度良 千金同

千金療舌上有瘡四五孔大如簪者出血如涌泉此心藏

病治方

戎菴 鹽五分 黃蘗 黃芩 各五分 人參 二分

甘草 二分 大黃 三分 桂心 二分

右七味搗末蜜和丸以水服十九漸增之或燒鐵篋烙

孔上

又療膀胱熱不已口舌瘡咽腫升麻煎方

升麻 大青 黃蘗 各二兩 薔薇根

射干 玄參 各四兩 蜜 五合

右七味切以水七升煮六味取一升去滓下蜜煎成合

之以差即止

又療口傍瘡方

亂髮灰故絮灰黃連末各等分以傅瘡取差 翼中有乾薑

又療唇邊生瘡連年不差方

• 以八月藍葉十斤擣汁澄取淀以傅之

又療唇舌忽生瘡方

燒雞舌香末綿裹傅之取差

又療唇黑腫痛痒不可忍方

取大錢四文於石上磨似泥或乾用臘月豬脂和塗之差

又方

以竹彈弓彈之要惡血出差

又療遠行唇口面爛破方

通按○無爛字一本作爛音均

煎臘月豬脂傅之差

又療冬月唇乾圻血出方

擣桃人以豬脂和塗

張文仲療舌強不能言方

礬石 桂心 各一兩

右二味擣末傅舌上差

必効療舌忽然羸滿口方

以釜下煤和鹽等分以塗舌腫令遍瀝清水塗之取差止

通按一本有後六方今附錄之

千金療口瘡白漫漫方

取桑樹汁先以髮拭口次以汁塗之

又療口中及舌上生瘡

爛烏黃栢含之

又療重舌舌上生瘡涎出

以蒲黃末傅之不過三度差

又療舌無故出血不止

用槐花炒為末摻上立止

又療鼻中外查瘤膿血出者

正月取鼠頭燒灰和臘豬膏傅之

又療咽喉閉塞口噤方

用雄雀糞研末每服溫水調灌半錢七立差

右從事即充兩浙東路提舉茶塩司幹辦公事趙子孟  
較勤

重訂唐王壽先生外臺秘要方第二十二卷終

